



অবিলম্বে প্রকাশের উদ্দেশ্যে: 1/14/2024

গভর্নর ক্যাথি হোকল

গভর্নর হোকল বৈরী আবহাওয়া এবং ওয়েস্টার্ন নিউ ইয়র্ক ভ্রমণ নিষেধাজ্ঞা সম্পর্কে
নিউ ইয়র্কবাসীদের আপডেট জানিয়েছেন

গ্র্যান্ড আইল্যান্ড, টোনাওয়ান্ডা, আমহাস্ট, ক্ল্যারেন্স এবং নিউস্টেডে আজ বিকাল 3:30
মিনিট থেকে পুনরায় যানবাহন চলাচল করবে

সেন্ট্রাল ইরি কাউন্টি এবং সাউথটাউনের অনেকাংশে ভ্রমণ নিষেধাজ্ঞা জারি রয়েছে;
এছাড়াও এক্সিট 46 এবং পেনসিলভানিয়া স্টেট লাইনের মধ্যে নিউ ইয়র্ক স্টেট
থ্রুওয়েতে বাণিজ্যিক যানবাহন চলাচল নিষিদ্ধ

আজকে সন্ধ্যা 7টায় আরো বিস্তারিত জানা যাবে বলে প্রত্যাশা করা হচ্ছে

নিউ ইয়র্কবাসীদেরকে রাস্তা থেকে দূরে থাকা এবং অপ্রয়োজনীয় ভ্রমণ এড়িয়ে চলা
উচিত

লেক-ইফেব্ট ওয়েদার সিস্টেমগুলো হোয়াইটআউট কন্ডিশনের কারণে রবিবার জুড়ে
ভ্রমণ প্রায় অসম্ভব এবং বিপজ্জনক করে তুলবে

শীতল বাতাস, হিমায়িত তাপমাত্রা এবং লেক-ইফেব্ট স্নো যা জীবনধারাকে সম্ভাব্যভাবে
হুমকির মুখে ফেলে

একাধিক কাউন্টির জন্য জরুরি অবস্থা জারি রয়েছে; জরুরি মোকাবেলায় সহায়তার
জন্য পশ্চিম নিউ ইয়র্কে নিউ ইয়র্ক ন্যাশনাল গার্ড মোতায়েন করা হয়েছে
ওয়েস্টার্ন নিউ ইয়র্কে অনুসন্ধান ও উদ্ধার কর্মীদের মোতায়েন করা হয়েছে

নিউ ইয়র্কবাসীদেরকে সম্ভাব্য বিদ্যুৎ বিভ্রাট এবং অন্যান্য চরম শীতকালীন আবহাওয়ার
প্রভাবের জন্য প্রস্তুত হতে তাগিদ দেওয়া হচ্ছে

নিউ ইয়র্কবাসীরা জরুরি সতর্কতার জন্য [এখানে](#) সাবস্কাইব করতে পারবে

গভর্নর হোকল এবং স্থানীয় কর্তৃপক্ষ আজ ঘোষণা করেছে যে আজ বিকাল 3:30 মিনিট থেকে এরি কাউন্টিতে যাত্রী ও বাণিজ্যিক যানবাহনের ক্ষেত্রে বিদ্যমান সম্পূর্ণ ভ্রমণ নিষেধাজ্ঞা গ্র্যান্ড আইল্যান্ড, টোনাওয়ান্ডা, আমহাস্ট, ক্লারেন্স এবং নিউস্টেড থেকে তুলে নেওয়া হবে। সেন্ট্রাল ইরি কাউন্টি এবং সাউথটাউনের অনেকাংশে পরবর্তী নির্দেশ না দেওয়া পর্যন্ত সম্পূর্ণ ভ্রমণ নিষেধাজ্ঞার আওতায় থাকবে এবং এক্সিট 46 ও পেনসিলভানিয়া স্টেট লাইনের মধ্যে বাণিজ্যিক যানবাহনের জন্য ফ্রুওয়ে বন্ধ থাকবে। চালকদের রাস্তা থেকে দূরে থাকার এবং অপয়োজনীয় ভ্রমণ এড়ানোর জন্য আহ্বান জানানো হচ্ছে।

“আমাদের ক্রুগণ রাস্তা পরিষ্কার রাখতে এবং নিউ ইয়র্কবাসীদের নিরাপদ রাখার জন্য দিনরাত কাজ করে যাচ্ছে এবং নিউ ইয়র্কবাসীদের সিংহভাগ আমাদের নিষেধাজ্ঞাকে মেনে রাস্তা থেকে দূরে থাকায় আমি তাদের প্রতি কৃতজ্ঞ,” **গভর্নর হোকল বলেন।** “নর্থ টাউনগুলোর পরিস্থিতির উন্নতি হওয়ায় আমরা সেখানে ভ্রমণ নিষেধাজ্ঞা তুলে নিচ্ছি, তবে আপনাকে যদি আজ ভ্রমণ করতে না হয় সেক্ষেত্রে বাড়িতে থাকুন এবং আমাদের ক্রুদের কাজ চালিয়ে যেতে দিন। আপনি যদি সেন্ট্রাল ইরি কাউন্টি এবং সাউথটাউনের অনেকাংশে থাকেন তবে বাড়িতেই থেকে যান।”

পশ্চিম নিউ ইয়র্কের নিউ ইয়র্কবাসীকে ঝড়ের পুরো সময়জুড়ে ঘরে থাকার আহ্বান জানানো হচ্ছে। জীবনধারাকে হুমকির মুখে ফেলা তুষার ঝড়ের মতো বৈরী পরিস্থিতির কারণে পুরো সন্ধ্যাটি আক্রান্ত এলাকায় ভ্রমণ বিপজ্জনক হতে পারে। নিউ ইয়র্কবাসীদের <https://alert.ny.gov> থেকে NY অ্যালার্টে (NY Alert) সাবস্ক্রাইব করে জরুরি সতর্কতার জন্য সাইন আপ করতে উৎসাহিত করা যাচ্ছে, এটি একটি বিনামূল্যে প্রদত্ত সেবা যা আপনার সেল ফোন বা কম্পিউটারে অতি গুরুত্বপূর্ণ জরুরি তথ্য প্রদান করে।

মিড-হাডসন অঞ্চলে 18,518টি, ওয়েস্টার্ন নিউ ইয়র্কে 90টি এবং নর্থ কান্ট্রিতে 42টি বিভ্রাট সহ বর্তমানে স্টেটব্যাপী 25,569টির মতো বিদ্যুৎ বিভ্রাট রয়েছে। ইউটিলিটি ক্রুগণ এখন পর্যন্ত বিদ্যুৎ বিভ্রাটের মাত্রার সাথে সামঞ্জস্য রেখে চলেছেন এবং যেকোনো বাড়তি বিদ্যুৎ বিভ্রাট ঘটলে পুনরুদ্ধার করতে স্ট্যান্ডবাইতে রয়েছেন।

শুক্রেবারে, গভর্নর হোকল আজকে লেক ইরি ও লেক অন্টারিও সংলগ্ন কমিউনিটিসমূহকে প্রভাবিত করার সম্ভাব্য বিপজ্জনক এবং জীবন ঝুঁকিগ্রস্ত করার আবহাওয়ার মতো পরিস্থিতিকে সামনে রেখে নিউ ইয়র্কবাসীদের সতর্ক করতে এবং প্রস্তুত থাকার জন্য জরুরি অবস্থা ঘোষণা করলেন। নিম্নের কাউন্টিগুলোতে জরুরি অবস্থা কার্যকর রয়েছে এবং প্রযোজ্য হবে: অ্যালোগানি, ক্যাইয়ুগা, শ্যাটাকোয়া, ইরি, জিনেসি, জেফার্সন, লুইস, লিভিংস্টোন, মনরো, নায়াগ্রা, অন্টারিও, অর্লিন্স, ওসওয়োগো, এবং ওয়াইওমিং।

আজ সকালে টাউন অব কলিন্স, নর্থ কলিন্স, কনকর্ড, সার্ডিনিয়া, কোল্ডেন এবং হল্যান্ডের পাশাপাশি ভিলেজেস অব নর্থ কলিন্স এবং স্প্রিংভিলে ভ্রমণ নিষেধাজ্ঞা প্রত্যাহার করা হয়েছিল।

উষ্ণ আশ্রয়কেন্দ্র

নিউ ইয়র্ক স্টেট খাট, বালিশ এবং কম্বল দিয়ে উষ্ণ আশ্রয়কেন্দ্র পরিচালনা অব্যাহত রেখেছে, পাশাপাশি অবকাঠামোগুলো ব্যবহারে সহায়তার জন্য প্রতিটি সাইটে মানসিক স্বাস্থ্য

পরামর্শদাতাদের পরিচালনা করে চলেছে। NY ন্যাশনাল গার্ড এবং নিউ ইয়র্ক স্টেট ইনসিডেন্ট ম্যানেজমেন্ট টিম সাইটগুলো পরিচালনা করছে:

- ইরি কমিউনিটি কলেজ (দক্ষিণ ক্যাম্পাস), 4041 Southwestern Blvd, Buffalo, NY 14203
- উইল্ডম এলিমেন্টারি স্কুল, 3870 Sheldon Rd, Orchard Park, NY 14127
- অর্চার্ড পার্ক মিডল স্কুল, 60 South Lincoln Ave, Orchard Park, NY 14127

বাফেলো শহরও উষ্ণ আশ্রয়কেন্দ্র খুলেছে, সেগুলো সম্পর্কে আরো তথ্য [এখানে](#) পাওয়া যাবে। স্টেট ও শহর উষ্ণায়ন উভয় আশ্রয়ের জন্য নিউ ইয়র্ক স্টেট জল ও MRE সরবরাহ করেছে।

অনুসন্ধান ও উদ্ধার

নিউ ইয়র্ক এই ঝড়ের সাড়াদানের জন্য ওয়েস্টার্ন নিউ ইয়র্কে অতিরিক্ত অনুসন্ধান ও উদ্ধারের রিসোর্স বাড়িয়েছে যার মধ্যে রয়েছে:

- 33টি স্টেটের ট্র্যাক করা যানবাহন
- 50 4x4s
- 25টি সামরিক যানবাহন

প্রয়োজনে মোতায়েনের জন্য প্রস্তুত ঝড় অঞ্চলের বাইরে অতিরিক্ত রিসোর্স প্রস্তুত রাখা হয়েছে এবং অতিরিক্ত সহায়তার জন্য নোমোবাইল ক্লাবগুলোকে নিযুক্ত করার জন্য স্টেট কাউন্টির সাথে সমন্বয় করছে।

এজেন্সির কর্মকাণ্ড

ন্যায়াগ্রা ফ্রন্টিয়ার পরিবহন কর্তৃপক্ষ

ন্যায়াগ্রা ফ্রন্টিয়ার ট্রান্সপোর্টেশন অথরিটি (Niagara Frontier Transportation Authority) আবহাওয়া পরিস্থিতির উপর ভিত্তি করে ভ্রমণকারীদেরকে সীমিত আকারে বাস, রেল এবং প্যারাদ্রাফ্টিং পরিষেবা প্রদান করছে। বাইরে বের হওয়ার আগে, ভ্রমণকারীদেরকে NFTA-এর ওয়েবসাইট <https://metro.nfta.com/schedules/plan-your-trip> দেখা উচিত। বাফেলো বিমানবন্দর চালু রয়েছে তবে বেশিরভাগ বাণিজ্যিক ফ্লাইট বাতিল করা হয়েছে, যাত্রীদের বিমানবন্দরে যাওয়ার আগে বিমানের অবস্থা সম্পর্কে তাদেরকে তাদের বিমান সংস্থার সাথে যোগাযোগ করতে হবে।

নিউ ইয়র্ক স্টেট স্বদেশ নিরাপত্তা ও জরুরি সেবা বিভাগ

বিভাগটি গুরুতর আবহাওয়ার ঘটনা জুড়ে স্টেটের প্রতিক্রিয়া সমন্বয়ের জন্য অ্যালবানিতে স্টেটের জরুরি অপারেশন সেন্টারকে সক্রিয় করেছে। জরুরি ব্যবস্থাপনা অফিস (Office of Emergency Management) স্থানীয় অংশীদারদের সাথে যোগাযোগ করছে এবং সহায়তার জন্য অনুরোধগুলো সহজতর করার জন্য প্রস্তুত রয়েছে এবং স্টেটের মজুদগুলো কর্মী এবং প্রয়োজন অনুসারে জরুরি প্রতিক্রিয়া রিসোর্স এবং আশ্রয় সরবরাহ স্থাপনের জন্য প্রস্তুত।

স্টেট ফায়ার মোবাইলাইজেশন এবং মিউচুয়াল এইড প্ল্যান (State Fire Mobilization and Mutual Aid Plan) সক্রিয় করা হয়েছে এবং স্টেট অফিস অব ফায়ার প্রিভেনশন অ্যান্ড কন্ট্রোল (State

Office of Fire Prevention and Control)-এ বাফেলো বিমানবন্দর (Buffalo Airport)-এ 24 জন কর্মী এবং বিভিন্ন ধরনের জরুরি সাড়াদানের জন্য যানবাহন অবস্থান করছে। জরুরি ব্যবস্থাপনা সম্পর্কিত কাজে সহায়তা করার জন্য নিউ ইয়র্ক স্টেট ইনসিডেন্ট ম্যানেজমেন্ট টিমকে ঝড়ের আগে ওয়েস্টার্ন নিউ ইয়র্কে মোতায়েন করা হয়েছিল।

সামরিক ও নৌ অ্যাফেয়ার্স ডিভিশন

ওয়েস্টার্ন নিউ ইয়র্কে সাধারণ সমর্থন প্রদান করার জন্য নিউ ইয়র্ক স্টেট সামরিক ও নৌ অ্যাফেয়ার্স বিভাগ (New York State Division of Military and Naval Affairs), নিউ ইয়র্ক স্টেটের ন্যাশনাল গার্ড (New York National Guard) থেকে 25টি যানবাহনসহ 100জন সেনা এবং বৈমানিককে স্থানান্তর করছে।

নিউ ইয়র্ক স্টেট পরিবহন বিভাগ (New York State Department of Transportation)

স্টেটের পরিবহন বিভাগ (Department of Transportation) স্টেটব্যাপী উপলভ্য 3,700 জনের বেশি অপারেটর ও সুপারভাইজার নিয়ে আবহাওয়া পরিস্থিতিতে সক্রিয়ভাবে সাড়া প্রদান করছে। কর্মীদের যেকোন ধরনের প্রয়োজনীয় প্রতিক্রিয়ার ক্রমে কনফিগার করা যেতে পারে (বন্যার প্রতিক্রিয়া, চিপার, লোড অ্যান্ড হটেল, সিভার জেট, কাট অ্যান্ড টস, ট্রাফিক সিগন্যাল ইত্যাদি)। ঝড়ের পুরো সময় জুড়ে এবং অগ্রাধিকারযুক্ত পরিষ্কার করার কার্যক্রমের জন্য প্রভাবিত সকল আবাসিক স্থানগুলোতে 24/7 সময়ে কাজ করার জন্য অপারেটর, সুপারভাইজার এবং মেকানিকসহ বিভিন্ন কর্মীদের নিয়োগ করা হবে।

বিদ্যমান সংস্থানের পাশাপাশি, 25টি বড় প্লাউ, তিনটি বড় স্লোয়ার, দুইটি লোডার এবং একই গ্রেডারসহ 54 জন অতিরিক্ত অপারেটর, 11 জন সুপারভাইজার এবং ছয়জন সরঞ্জাম প্রশিক্ষক, দুইজন ঘটনা কমান্ড সহায়তা বিশেষজ্ঞ এবং একজন নিরাপত্তা প্রতিনিধিসহ 74 জন কর্মীকে ওয়েস্টার্ন নিউ ইয়র্কে বিভাগটি নিয়োগ দিয়েছে। ফিঙ্গার লেকস-এ আগে থেকে চার জন বাড়তি ট্রাফিক টেকনিশিয়ানকে বরাদ্দ করা হচ্ছে।

স্টেটজুড়ে উপকরণের হিসাব নিম্নরূপ:

- 1,599টি বড় প্লাউ
- 337টি লোডার
- 148টি মাঝারি প্লাউ
- 82টি হুইলড ও ট্র্যাকড এক্সক্যাভেটর
- 52টি টো প্লাউ
- 37টি স্লোয়ার
- 32টি ট্রাফিক সিগন্যাল ট্রাক
- 23টি প্লাওসহ পিকআপ ট্রাক
- 20টি গ্রেডার
- 13টি ট্রি ক্লিয়ারিং ট্রাক

তাৎক্ষণিক ভ্রমণ তথ্য জানার জন্য মোটর চালকগণ 511 নম্বরে কল করতে পারেন অথবা <https://www.511ny.org> বা মোবাইল সাইট m.511ny.org ভিজিট করতে পারেন, যা নিউ ইয়র্ক স্টেটের সরকারি ট্রাফিক এবং ভ্রমণ সংক্রান্ত তথ্য কেন্দ্র।

থ্রুওয়ে কর্তৃপক্ষ

থ্রুওয়ে কর্তৃপক্ষের কর্মীরা সক্রিয়ভাবে তুষার ও বরফ কর্মকাণ্ডে নিযুক্ত আছে এবং স্টেটব্যাপী 700 জনের বেশি অপারেটর ও সুপারভাইজার নিয়ে হ্রদ থেকে আগত ঝড়ের সাড়াদানের জন্য রয়েছে। কর্তৃপক্ষ পুরো সাপ্তাহিক ছুটির দিন জুড়ে ওয়েস্টার্ন নিউ ইয়র্কে তুষার ও বরফ কর্মকাণ্ডে সহায়তা করার জন্য সিরাকিউজ, অ্যালবানি এবং নিউ ইয়র্ক বিভাগ থেকে অতিরিক্ত কর্মী ও তুষার মোকাবেলা করার সরঞ্জাম স্থানান্তরিত করেছে। কর্মীরা বর্তমানে ঝড়ের গতিবিধি পর্যবেক্ষণ করছে এবং অতিরিক্ত অপারেটর ও সরঞ্জাম প্রস্তুত আছে ও পরিস্থিতি অনুযায়ী প্রয়োজন হলে মোতায়েন করা হবে।

স্টেটব্যাপী সরঞ্জামের সংখ্যা ও সংস্থানসমূহের তালিকা নিচে দেওয়া হলো:

- 364টি বৃহৎ ও মিডিয়াম ডিউটি প্লাউ ট্রাক
- 10টিটো প্লাউ
- 64টি লোডার
- আনুমানিক 120,000 টন লবণ প্রস্তুত

থ্রুওয়েতে মোটরচালকদেরকে শীতকালীন আবহাওয়ার অবস্থা সম্পর্কে সতর্ক করতে বিভিন্ন ধরনের মেসেজ সাইন ও সোশ্যাল মিডিয়া ব্যবহার করা হয়।

থ্রুওয়ে কর্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্রাফিক সম্পর্কে তথ্য, লাইভ ট্রাফিক ক্যামেরা, ও দিক-নির্দেশনা সংক্রান্ত সহায়তা প্রদান করে। এছাড়াও থ্রুওয়ে সংলগ্ন যানবাহনের সর্বশেষ অবস্থা সম্পর্কে তথ্যের জন্য মোটরচালকরা [ট্রান্সঅ্যালার্ট \(TRANSalert\)](#) ইমেইল এর জন্য সাইন আপ করতে এবং X এ [@ThruwayTraffic](#)-কে অনুসরণ করতে পারবে।

জনসেবার বিভাগ (Department of Public Service, DPS)

এই সাপ্তাহিক ছুটির দিনের শীতকালীন আবহাওয়া ইভেন্টের জন্য সাড়াদান, মেরামত এবং পুনঃস্থাপন প্রয়াসে নিযুক্ত করার জন্য জনসেবা বিভাগ (Department of Public Service, DPS) কর্তৃক নিয়ন্ত্রিত বিদ্যুৎ ইউটিলিটি কোম্পানিগুলি স্টেটব্যাপী আনুমানিক 11,400 জন কর্মী উপলভ্য রেখেছে। এর মধ্যে নিম্নলিখিত অতিরিক্ত বহিরাগত চুক্তিভিত্তিক কর্মীরা অন্তর্ভুক্ত রয়েছে যারা সপ্তাহের প্রথম দিকের ঝড়ের সাথে সম্পর্কিত তাদের কাজ শেষ করার পরে স্টেটে রয়ে গেছেন।

এই শীতকালীন আবহাওয়ার ঘটনার জন্য সংস্থান বিভাজন নিম্নরূপ:

- নিউ ইয়র্ক স্টেট ইলেকট্রিক অ্যান্ড গ্যাস (New York State Electric & Gas, NYSEG)/রোচেস্টার গ্যাস অ্যান্ড ইলেকট্রিক কর্পোরেশন (Rochester Gas and Electric

Corporation, RG&E) এর মোট 4,798 জন কর্মী আছে যাদের মধ্যে 3,030 জন বহিরাগত লাইন কর্মী এবং 436 জন বাহ্যিক গাছ কর্মী রয়েছে।

- ন্যাশনাল গার্ডের 4,362 জন কর্মী আছে যাদের মধ্যে 2,069 জন বহিরাগত লাইন কর্মী এবং 382 জন বহিরাগত গাছ কর্মী রয়েছে।
- কন এডিসনের 750 জন কর্মী আছে যাদের মধ্যে তাদের ব্রঙ্কস/ওয়েস্টচেস্টার পরিচালনা বিভাগের (Bronx/Westchester Operating Division) জন্য 100 জন বহিরাগত চুক্তিভিত্তিক লাইন কর্মী নিযুক্ত রয়েছে।
- সাপ্তাহিক ছুটির দিনের আবহাওয়া ইভেন্টের জন্য অরেঞ্জ এবং রকল্যান্ডের 270 জন কর্মী আছে।
- সেন্ট্রাল হাডসনের 135 জন কর্মী আছে।
- পাবলিক সার্ভিস এন্টারপ্রাইজ গ্রুপ, লং আইল্যান্ড (Public Service Enterprise Group, Long Island, PSEGLI)-এর 1,134 জন কর্মী আছে

ইউটিলিটিসমূহের জরুরি সাড়াদান পরিকল্পনা এবং পুরো ইভেন্টজুড়ে সাড়াদান, ক্ষতির মূল্যায়ন, মেরামত এবং পুনঃস্থাপন প্রয়াসের হিসাব রাখার জন্য তাদের ঘটনা কমান্ড কাঠামো সক্রিয় থাকছে। DPS-এর কর্মীরা পুরো সময়জুড়ে ইউটিলিটি কার্যক্রমের ট্র্যাক করছে এবং সবচেয়ে বেশি প্রভাবিত হওয়া এলাকাগুলোতে ইউটিলিটি কোম্পানিগুলোর যথাযথ কর্মী নিয়োগের বিষয়টি নিশ্চিত করছে। যদি আপনার পরিষেবা বিঘ্নিত হয়, তাহলে পরামর্শের জন্য DPS-এর ইউটিলিটি পরিষেবা বিঘ্নিত হওয়া সম্পর্কিত [ওয়েবসাইট](#) ভিজিট করুন।

নিউ ইয়র্ক স্টেট পুলিশ (New York State Police)

স্টেট পুলিশ (State Police) আবহাওয়ার অবস্থা পর্যবেক্ষণ করা চালিয়ে যাচ্ছে এবং প্রয়োজন অনুযায়ী প্রভাবিত এলাকায় অতিরিক্ত ট্রুপার মোতায়েন করছে। স্টেট পুলিশের সব ফোর-হুইল ড্রাইভ এবং স্নোমোবাইল, এয়ারবোট এবং ইউটিলিটি টেরেইন ভেহিকল সহ বিশেষায়িত যানবাহন, অবিলম্বে সাড়াদানের জন্য প্রয়োজন অনুযায়ী প্রস্তুত রয়েছে এবং প্রয়োজনীয় সরঞ্জাম ব্যবহার করা হচ্ছে। সকল জরুরি শক্তি এবং যোগাযোগের সরঞ্জাম সঠিকভাবে কাজ করছে।

নিউ ইয়র্ক স্টেটের পরিবেশ সংরক্ষণ বিভাগ (New York State Department of Environmental Conservation, DEC)

DEC জরুরি অবস্থার ব্যবস্থাপনা কর্মী, পরিবেশ সংরক্ষণ পুলিশ অফিসার, ফরেস্ট রেঞ্জার্স এবং আঞ্চলিক কর্মীরা সতর্ক থাকবে এবং আবহাওয়ায় পরিস্থিতির পর্যবেক্ষণ করা অব্যাহত রয়েছে। বৃষ্টি, তুষার এবং তীব্র বাতাসের সম্ভাব্য প্রভাবের জন্য অভীষ্ট এলাকাসমূহে সংস্থান মোতায়েনের জন্য এজেন্সি অংশীদারগণ এবং সকল উপলভ্য সম্পদের সমন্বয় করছে DEC, যার মধ্যে দ্রুত জল থেকে উদ্ধার করার দল এবং সয়ার রয়েছে।

বৃহৎ পরিমাণে তুষার অপসারণ এবং নিষ্পত্তির জন্য দায়ী ব্যক্তিদেরকে DEC মনে করিয়ে দিচ্ছে যে বন্যার সম্ভাবনা এবং লবণ, বালি, তেল, আবর্জনা এবং বরফের অন্যান্য ধ্বংসাবশেষের মতো দূষণকারীর দ্বারা পানির মান প্রভাবিত হওয়ার সম্ভাবনা হ্রাস করতে সাহায্য করার জন্য সর্বোত্তম ব্যবস্থাপনার অনুশীলনগুলি তাদেরকে মেনে চলতে হবে। স্থানীয় খাঁড়ি এবং ঝর্ণাতে তুষার ফেললে এর ফলে বরফের বাঁধ সৃষ্টি হতে পারে যা কাছের এলাকায় বন্যার কারণ হতে পারে।

সরকারি ও বেসরকারি তুষার অপসারণ অপারেটরদেরকে শীতকালীন ঝড় চলাকালীন ও পরবর্তী এইসব নিরাপত্তা সংক্রান্ত বিষয়ে অবগত থাকতে হবে। আরো তথ্য

https://extapps.dec.ny.gov/docs/water_pdf/togs5111new.pdf এ পাওয়া যাবে।

পার্ক, বিনোদন এবং ঐতিহাসিক সংরক্ষণের নিউ ইয়র্ক স্টেট অফিস

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। প্রতিক্রিয়া সরঞ্জাম জ্বালানীকৃত, পরীক্ষিত এবং ঝড় মোকাবেলায় ব্যবহারের জন্য প্রস্তুত করা হচ্ছে। সম্ভাব্য রাস্তা পরিষ্কার করার কর্মকাণ্ডের জন্য ওয়েস্টার্ন নিউ ইয়র্ক এবং নর্থ কান্ট্রিতে স্টেট পার্কস সয়ার কর্মীদের মোতায়েনের জন্য প্রস্তুত করে রেখেছে।

নিরাপত্তা সংক্রান্ত পরামর্শ

শীতকালীন আবহাওয়া:

- তুষার অপসারণ সরঞ্জাম সার্ভিস করুন। ওয়াকওয়েতে বরফ গলাতে রক সল্ট ব্যবহার করুন এবং ট্র্যাকশন সৃষ্টি করতে বালি ব্যবহার করুন।
- আপনার বাড়িকে শীতল করুন এবং প্রতি বছর গরম করার সোর্সগুলো পরিদর্শন করুন।
- আপনি যদি গরম করার তেল ব্যবহার করেন তবে পর্যাপ্ত সরবরাহ বজায় রাখুন।
- নিরাপদ, জরুরি গরম করার সরঞ্জাম উপলভ্য রাখুন এবং প্রস্তুতকারকের নির্দেশ অনুসারে ব্যবহার করুন।
- স্মোক অ্যালার্ম ইনস্টল করুন এবং চেক করুন।
- পানির পাইপগুলোকে হিমায়িত হওয়া থেকে রক্ষা করুন।

শীতের আবহাওয়ায় ভ্রমণ

নিরাপদে গাড়ি চালানোর জন্য কিছু গুরুত্বপূর্ণ পরামর্শের মধ্যে রয়েছে:

- প্রয়োজন না হলে গাড়ি চালাবেন না।
- যদি আপনাকে ভ্রমণ করতেই হয়, আপনার গাড়িতে জীবন-রক্ষাকারী সরঞ্জাম যেমন কম্বল, বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের সেট, ব্যাটারির বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।
- যদি আপনার ব্যবহারের জন্য অন্যান্য যোগাযোগের ডিভাইস যেমন সেল ফোন অথবা টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং ভ্রমণের সময় সেটি আপনার সঙ্গে রাখুন। যদি আপনি হারিয়ে যান, সাহায্যের জন্য কল করে উদ্ধারকারীদেরকে আপনার লোকেশন জানাতে পারবেন।
- শীতকালীন সময়ে মৃত্যু ও আঘাতপ্রাপ্তির শীর্ষ কারণ হলো পরিবহনজনিত দুর্ঘটনা। গাড়িতে চলাচল করার আগে আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল চাবিকাঠি। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন। অতিরিক্ত সতর্ক থাকুন এবং মনে রাখবেন যে তুষারকণা ছোট শিশুদেরকে আড়াল করে দিতে পারে। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।

- সকল সড়কে চলাচলকারী গাড়ি চালকদের জন্য এটি জেনে রাখা গুরুত্বপূর্ণ যে স্নো-প্লাউগুলো ঘণ্টায় 35 মাইল গতিবেগে চলাচল করে, যা বহু ক্ষেত্রেই পোস্ট করা গতিসীমার চেয়ে কম হয়ে থাকে, যাতে ছিটিয়ে দেয়া লবণগুলো ড্রাইভিং লেনের মধ্যেই থাকে এবং সড়কপথের বাইরে ছিটকে না পড়ে। প্রায় ক্ষেত্রেই ইন্টারসেট হাইওয়েগুলোতে স্নো-প্লাউগুলো পাশাপাশি অবস্থান করে কাজ করে থাকে, কারণ এতে একাধিক লেন সর্বাধিক কার্যকর ও নিরাপদ উপায়ে পরিষ্কার করা যায়।
- গাড়ি চালক ও পথচারীদেরকেও খেয়াল রাখতে হবে যে স্নো-প্লাউ চালকদের দৃষ্টিগোচরতা সীমিত থাকে, এবং স্নো-প্লাউ এর আকার ও ওজন সেক্টিকে দ্রুত সরানো ও বন্ধ করা কঠিন করে তুলতে পারে। তুষার-অপসারণ-যন্ত্রের পেছন থেকে বরফ ওড়ানো এর চালকদের দৃষ্টিশক্তি মারাত্মকভাবে হ্রাস করতে বা হোয়াইটআউট অবস্থার কারণ ঘটতে পারে। গাড়িচালকদের তুষার-অপসারণ-যন্ত্রকে পাশ কাটিয়ে যাওয়ার চেষ্টা করা বা পেছন-পেছন যাওয়া অথবা খুব কাছাকাছি যাওয়া উচিত নয়। গাড়ি চালকদের জন্য গাড়ি চালানোর জন্য সবচেয়ে নিরাপদ জায়গা হলো স্নো-প্লাউ এর বেশ পিছনে যেখানে সড়কপথ পরিষ্কার রয়েছে ও লবণ ছিটানো হয়েছে। কখনো কোনো স্নোপ্লাউ চালু অবস্থায় এটির সামনে দিয়ে অতিক্রম করার চেষ্টা করবেন না।

বিদ্যুৎ বিভ্রাট

পরিকল্পনা:

- আপনি যদি এমন ওষুধ ব্যবহার করেন যার জন্য রেফ্রিজারেশন প্রয়োজন হয় তাহলে বেশিরভাগ সমস্যা ছাড়াই বেশ কয়েক ঘণ্টা বন্ধ ফ্রিজে রাখা যেতে পারে - আপনার চিকিৎসক বা ফার্মাসিস্টের সাথে যোগাযোগ করুন।
- আপনার রেফ্রিজারেটর বা ফ্রিজারে জায়গা থাকলে, প্লাস্টিকের পাত্রে জল দিয়ে পূরণ করার বিষয়টি বিবেচনা করুন, প্রতিটির ভিতরে এক ইঞ্চি জায়গা রেখে দিন - বিদ্যুৎ চলে গেলে এটি খাবারকে ঠাণ্ডা রাখতে সাহায্য করবে।
- বিকল্প রান্নার উৎস যেমন ক্যাম্প চুলা বা বহিরাঙ্গন গ্রিল রাখার পরিকল্পনা করুন। বাসস্থানের বাইরে এটি ব্যবহারের জন্য যথাযথ সুরক্ষা বিধি অনুসরণ করুন।
- একটি জেনারেটর কেনার বিষয়টি বিবেচনা করুন এবং বাসস্থানের বাইরে এটি ব্যবহারের নিয়ম অনুসরণ করুন। একটি জেনারেটর ইনস্টল করার আগে, আপনার ইউটিলিটি বৈদ্যুতিক পরিষেবা থেকে সঠিকভাবে সংযোগ বিচ্ছিন্ন করতে ভুলবেন না। যদি সম্ভব হয় তাহলে আপনার জেনারেটরটি একজন যোগ্য ইলেকট্রিশিয়ান দ্বারা ইনস্টল করুন।
- উষ্ণ রাখতে কঞ্চল, কোট, টুপি এবং হাতে অতিরিক্ত গ্লাভস রাখুন।
- আপনার যদি কম্পিউটার থাকে তাহলে নিয়মিত ফাইল ও অপারেটিং সিস্টেমের ব্যাক আপ নিন। সকল কম্পিউটার, মনিটর এবং অন্যান্য ডিভাইসগুলো ব্যবহার না করা হলে সেগুলো বন্ধ করুন।
- আপনার যদি বৈদ্যুতিক গ্যারেজ ডোর ওপেনার থাকে তাহলে ম্যানুয়াল রিলিজ লেভেলটি খুঁজে বের করুন এবং কিভাবে পরিচালনা করতে হয় তা শিখুন।
- আপনার যদি কোনো টেলিফোন যন্ত্র বা সিস্টেম থাকে যা কাজ করার জন্য বিদ্যুতের প্রয়োজন হয় তাহলে বিকল্প যোগাযোগের জন্য পরিকল্পনা করুন যেমন একটি স্ট্যান্ডার্ড টেলি-ফোন হ্যান্ডসেট, সেলুলার টেলিফোন বা রেডিও।

বিদ্যুৎ চলে গেলে কী করতে হবে

- এই ডিভাইসগুলিকে ক্ষতি করতে পারে এমন ক্ষণস্থায়ী শক্তির প্রবাহের ক্ষেত্রে প্রধান যন্ত্রপাতি এবং অন্যান্য সরঞ্জাম, যেমন, কম্পিউটারগুলি বন্ধ করুন বা সংযোগ বিচ্ছিন্ন করুন। একটি আলো চালু রাখুন যাতে কখন বিদ্যুৎ ফিরে আসে তা আপনি জানতে পারেন। আপনি যেখানে ইলেকট্রনিক সরঞ্জাম ব্যবহার করেন সেখানে সার্জ প্রোটেক্টর ব্যবহার করার কথা বিবেচনা করুন।
- আপনার ইউটিলিটি প্রদানকারীকে বিভ্রাটের বিষয়ে অবহিত করতে এবং অফিসিয়াল তথ্যের জন্য স্থানীয় সম্প্রচার শুনতে কল করুন। এলাকাভিত্তিক মেরামতের সময়সূচি জানতে আপনার ইউটিলিটির কাছে যাচাই করুন।
- আপনার আশেপাশে কেউ যদি বিশেষ প্রয়োজন বা স্বাস্থ্যগত জটিলতা নিয়ে থাকে, তাদের সাথে যোগাযোগ করে দেখুন তারা কি নিরাপদে আছেন এবং বিদ্যুৎ পাচ্ছেন।
- জরুরী আলোর জন্য শুধুমাত্র ফ্ল্যাশলাইট ব্যবহার করুন - মোমবাতিগুলি আগুন লাগার ঝুঁকি তৈরি করে।
- রেফ্রিজারেটর এবং ফ্রিজারের দরজা বন্ধ রাখুন - বেশিরভাগ খাবার যেগুলির হিমায়নের প্রয়োজন সেগুলি একটি বন্ধ রেফ্রিজারেটরে কিছু ঘণ্টার জন্য নিরাপদে রাখা যেতে পারে। একটি না খোলা রেফ্রিজারেটর প্রায় চার (4) ঘণ্টার জন্য খাবারকে ঠান্ডা রাখবে। একটি সম্পূর্ণ ফ্রিজার তাপমাত্রাকে প্রায় 48 ঘণ্টা ধরে রাখবে।
- বাড়ির ভিতরে কাঠকয়লার গ্রিল ব্যবহার করবেন না এবং তাপের জন্য গ্যাসের চুলা ব্যবহার করবেন না - সেগুলি কার্বন মনোক্সাইডের ক্ষতিকারক মাত্রা ছাড়তে পারে।
- ঠাণ্ডা থেকে বাঁচতে, লেয়ারে লেয়ারে পোশাক পরুন এবং বাইরে কম সময় কাটানোর চেষ্টা করুন। ঠান্ডা চাপের উপসর্গ (অর্থাৎ, হাইপোথার্মিয়া) সম্পর্কে সচেতন থাকুন এবং উপসর্গ দেখা দিলে যথাযথ চিকিৎসা করান।
- আপনার যেসব কক্ষ প্রয়োজন নেই সেগুলো বন্ধ রাখুন।

বিদ্যুৎ বিভ্রাট রিপোর্ট করতে, ফোন করুন:

- সেন্ট্রাল হাডসন: 800-527-2714
- কন এডিসন: 800-752-6633
- ন্যাশনাল গ্রিড: 800-867-5222
- NYSEG: 800-572-1131
- O&R: 877-434-4100
- PSEG-LI: 800-490-0075
- RG&E: 800-743-1701

হিটিং সংক্রান্ত সতর্কতা

- বিকল্প তাপের জন্য শুধু নিরাপদ উৎস যেমন ফায়ারপ্লেস, ছোট আকারের ভালো ভেন্টযুক্ত কাঠের বা কয়লার চুলা বা পোর্টেবল স্পেস হিটার ব্যবহার করুন।
- বিকল্প তাপের উৎস যেমন ফায়ারপ্লেস, উডস্টোভ, ইত্যাদি ব্যবহার করার সময় সবসময় যথাযথ ভেন্টিলেশন রয়েছে তা নিশ্চিত করুন। সবসময় প্রস্তুতকারকের নির্দেশনা মেনে চলুন।
- পর্দা, তোয়ালে এবং পটহোল্ডারগুলোকে উত্তপ্ত পৃষ্ঠতল থেকে দূরে রাখুন।

- একটি অগ্নি নির্বাপক যন্ত্র এবং স্মোক ডিটেক্টর রাখুন এবং সেগুলো কাজ করছে তা নিশ্চিত করুন।
- যদি আপনি আপনার হিটিং-এর নিয়মিত জ্বালানির সম্পূরক হিসেবে, অথবা জরুরি পরিস্থিতিতে তাপের উৎস হিসেবে কেরোসিন হিটার ব্যবহার করেন, তাহলে নিম্নলিখিত নিরাপত্তা সংক্রান্ত পরামর্শ অনুসরণ করুন:
 - উৎপাদকের নির্দেশনা অনুসরণ করুন।
 - আপনার ইউনিটের জন্য শুধু সঠিক জ্বালানি ব্যবহার করুন।
 - শুধু ঘরের বাইরে এবং শুধুমাত্র যখন ইউনিটটি ঠাণ্ডা থাকে তখন পুনরায় জ্বালানি ভর্তি করুন।
 - হিটারকে আসবাবপত্র এবং অন্যান্য দাহ্য বস্তু থেকে কমপক্ষে তিন ফুট দূরে রাখুন।
 - হিটার ব্যবহার করার সময়, আগুন থেকে সুরক্ষার পদক্ষেপসমূহ এবং ভেন্টিলেশন যথাযথভাবে ব্যবহার করুন।

বন্যা

পরিকল্পনা:

- আপনাকে তাড়াতাড়ি চলে যেতে হতে পারে তাই আপনার বাড়ির বা ব্যবসা থেকে উঁচু, নিরাপদ স্থানে যাওয়ার নিরাপদতম রুটটি জেনে রাখুন।
- আপনার যানবাহনে জ্বালানি ভরে বা চার্জ দিয়ে রাখুন। যদি বিদ্যুৎ সরবরাহ বিচ্ছিন্ন হয়, তাহলে পেট্রোল স্টেশনগুলি বেশ কয়েক দিন জ্বালানি পাম্প করতে নাও পারে। আপনার গাড়ির ট্রান্সে একটি ছোট দুর্যোগ সরবরাহ কিট রাখুন।
- আপনার সম্পত্তি সম্ভাব্য বন্যা সীমার কত উপরে এবং কত নিচে জেনে নিন। পূর্বাভাসকৃত বন্যার সীমা যখন সম্প্রচার করা হবে, তখন আপনি বন্যাকবলিত হবেন কিনা তা নির্ধারণ করতে পারবেন।
- স্যান্ডব্যাগ, প্লাইউড, প্লাস্টিকের শিট এবং কাঠের মতো উপকরণকে জরুরি পানিরোধক হিসেবে ব্যবহার করার জন্য হাতের কাছে রাখুন।

ভ্রমণ সংক্রান্ত নিরাপত্তা

- ন্যা ও ক্ষতিকর ঝড়ো হাওয়া ভ্রমণকে বিপজ্জনক করে তুলতে পারে।
- বন্যায় ডুবে যাওয়া রাস্তা দিয়ে গাড়ি চালিয়ে যাওয়ার চেষ্টা করবেন না – অন্য পথ ব্যবহার করুন। মনে রাখবেন: “ফিরে আসুন, ডুবে যাবেন না।”
 - দ্রুত প্রবাহমান ছয় ইঞ্চি উচ্চতার স্রোত আপনাকে আপনার গাড়ির নিয়ন্ত্রণ হারিয়ে দিতে পারে বা হাঁটতে গেলে আপনাকে পায়ের নিচ থেকে ছিটকে ফেলে দিতে পারে।
 - দ্রুত গতিতে বয়ে চলা পানির স্রোতকে অগ্রাহ্য করবেন না। দ্রুত গতিতে বয়ে চলা দুই ফুট উচ্চতার পানিতে আপনার গাড়ি ভাসিয়ে নিবে এবং দুই মাইল বেগে বয়ে চলা পানি আপনার গাড়িকে রাস্তা বা ব্রিজ থেকে টেনে নিয়ে যাবে।
 - যদি আপনার গাড়ির চারপাশে দ্রুত পানির উচ্চতা বৃদ্ধি পেতে থাকে, তাহলে অবিলম্বে গাড়ি ছেড়ে বেড়িয়ে পড়ুন।
 - যদি গাড়ির ভিতরে পানি বাড়তে থাকে তাহলে ছাদে আশ্রয় নিন। রাস্তার প্রতিবন্ধক বরাবর গাড়ি চালাবেন না।

শীতকালীন নিরাপত্তা সংক্রান্ত আরো পরামর্শের জন্য <https://dhses.ny.gov/safety>-এ যান। নিউ ইয়র্ক স্টেটে ঝড়ের আগে, ঝড় চলাকালীন সময়ে অথবা ঝড়ের পরে অ-জরুরি পরিষেবার প্রয়োজনগুলো পূরণ করতে 211 নম্বরে ফোন করুন অথবা ভিজিট করুন 211nys.org ঠিকানায়।

ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস সম্পর্কে
[স্বদেশ নিরাপত্তা ও জরুরি সেবা বিভাগ \(Division of Homeland Security and Emergency Services, DHSES\)](#) বিপর্যয় এবং অন্যান্য জরুরি পরিস্থিতি প্রতিরোধ, সুরক্ষা, প্রস্তুতি, প্রতিক্রিয়া, পুনরুদ্ধার এবং প্রশমিত করার জন্য নেতৃত্ব, সমন্বয় এবং সহায়তা প্রদান করে থাকে। আরো তথ্যের জন্য [ফেসবুকে](#), [ইন্সটাগ্রাম](#) এবং [X](#) (পূর্বে Twitter হিসেবে পরিচিত) এ [@NYSDHSES](#) ফলো করুন অথবা ভিজিট করুন dhses.ny.gov।

###

আলরো সংযোগ পোওয়া যোলে এখোলর www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)